



## TRIAL poziva na trening

„Prava preživjelih ratnog seksualnog nasilja, međunarodni standardi i mehanizmi za zaštitu njihovih ljudskih prava“

16.-17. novembar 2015. godine,  
Sarajevo, Hotel Europe

U okviru Programa podrške preživjelim seksualnog nasilja iz rata u BiH, koji djeluje od 2010. godine, Track Impunity Always–TRIAL ured u BiH poziva zainteresovane osobe da se prijave na trening kroz koji će unaprijediti svoje znanje o međunarodnim standardima ljudskih prava koji se tiču preživjelih ratnog seksualnog nasilja, kao i mehanizmima i načinima korištenja ovih standarda u cilju podrške preživjelim. Pored navedenoga, trening će imati za cilj da prisutne upozna sa aspektima psihosocijalne podrške, kao i ulozi medija koji se smatraju veoma značajnim i često neodvojivim aspektima zaštite ljudskih prava.

*Da li ste znali da žrtve teških kršenja ljudskih prava imaju pravo na kažnjavanje počinitelja za zločine počinjene nad njima, a da je to istovremeno i obaveza države nakon počinjenih zločina? Šta su to reparacije i koji oblici mogu biti stavljeni na raspolaganje žrtvama teških kršenja ljudskih prava? Da li je i na koji način moguće ostvariti pravo na odštetu od počinioca tokom krivičnog postupka?*

*Zbog kakvih povreda ljudskih prava i na koji način se mogu obratiti Evropskom sudu za ljudska prava i Ustavnom sudu Bosne i Hercegovine? Da li ste upoznati sa Međunarodnim protokolom o dokumentovanju i istraživanju slučajeva seksualnog nasilja u konfliktu, koji predstavlja standarde i najbolje prakse prilikom dokumentovanja i istrage zločina seksualnog nasilja?*

Ovo su neka od pitanja koja će biti diskutovana tokom dvodnevnog treninga. Isti će voditi uposlenice TRIAL-a, pravna savjetnica Adrijana Hanušić i voditeljica programa podrške za preživjele ratnog seksualnog nasilja Selma Korjenić. Također, učesnice/ici će imati priliku da slušaju predavanja i razgovaraju sa sudijama Vrhovnog suda Federacije BiH, stručnjakinjom iz oblasti pružanja psihosocijalne podrške, i predstavnikom BIRN-a (Balkanske Istraživačke mreže). Pored izlaganja predavača/ica, trening će se bazirati na interaktivni rad učesnika/ica, uključujući rad u grupama i rad na studijama slučajeva.

Trening je otvoren za učešće: braniteljima/cama ljudskih prava iz nevladinog sektora, te advokatima/cama, drugim zainteresovanim pravnicima/cama i studentima/cama završne godine pravnih fakulteta koji/e se u svom radu bave ili namjeravaju baviti zaštitom prava (pitanjima pravne i zagovaračke podrške) žrtava seksualnog nasilja iz rata.

*Podržano od strane vlade Velike Britanije*

Prijave za učešće sa ličnom biografijom možete slati do 01. novembra 2015. godine na e-mail: [adisa.fisic@trial-ch.org](mailto:adisa.fisic@trial-ch.org) sa naslovom "**Prijava za trening**" ili putem faks na broj **033 219 873**. Pitanja i komentare možete uputiti na isti email ili putem telefona. Troškove smještaja, hrane i puta pokriva organizator treninga. Dodatne informacije i detalji će biti proslijeđeni nakon odabira učesnika/ca. Broj učesnika/ica je ograničen.

## **O TRIAL-u**

Osnovana 2002. godine u Ženevi, TRIAL je organizacija sa mandatom da stavi pravo u službu žrtava međunarodnih zločina (genocida, zločina protiv čovječnosti, ratnih zločina, torture i prisilnog nestanka). TRIAL se bori protiv nekažnjivosti počinitelja najtežih međunarodnih zločina. Organizacija zastupa interese žrtava pred švicarskim sudovima i brojnim međunarodnim tijelima za zaštitu ljudskih prava. TRIAL također radi na podizanju svijesti vlasti i javnosti u vezi sa potrebom za efikasnim nacionalnim i međunarodnim pravosudnim sistemom za procesuiranje zločina.

U proteklih 12 godina je pružio pravnu pomoć za 360 žrtava, korištenjem 145 međunarodnih postupaka koji se tiču Alžira, Bosne i Hercegovine (BiH), Burundija, Libije, Nepala, Rusije i Tunisa. Organizacija je podnijela 50 izvještaja UN-u, te podržala ili direktno radila na više od 120 domaćih postupaka od kojih je veliki broj rezultirao istragama, presudama ili se iste očekuju, i to u Alžiru, Bosni i Hercegovini, Burundiju, Francuskoj, Nepal, Švicarskoj, Tunisu i Ujedinjenom Kraljevstvu.

**Facebook: TRIAL u Bosni i Hercegovini**

**Web stranice:** [www.trial.ba](http://www.trial.ba)  
[www.trial.org](http://www.trial.org)